

*Dia 28 proximo den City One...*

## UN ANOCHI DI MARIACHI DEDICA NA E INCOMPARABLE BUBU BISLICK..

Fotos/texto:Poets

### DEN AMBIENTE

\*\* Dia 28 di november proximo lo bay tuma lugar den City One, un anochi di mariachi dedica na e incomparable cantante di musica mariachi di tur tempo BUBU BISLICK.

Bubu Bislick ta ser considera como e cantante di mariachi di mas grandi cu Aruba a yega di conoce. For di su edad joven ya caba Bubu Bislick tabata causa furor y a goza di un popularidad inmenso durante su 40 aña den e mundo di mariachi.

Bubu Bislick ta e unico cantante cu a representa Aruba cinco biaha den e festival di mariachi Aruba y Antillas y tur e

biahnan aki el a conquistado e titulo maximo. Na aña 1983 Bubu Bislick a retira for di e mundo di mariachi, pero toch semper el a sa coopera cu festivalnan como presidente di hurado. E aña aki tambe e tabata presidente di hurado durante e festival di Mariachi Aruba.

Pa e anochi grandi aki lo tey presente for di hermana isla Boneiro e fantastico duo Mamita y Calixto, kendenan lo introduci nan exitoso CD, "Amor es Amar". Tambe Mariachi Lirios del Campo lo presenta nan produccion nobo y e ganador absoluto di e recién festival Bertha



**\*\* Aki por aprecia e pionero di festival di Mariachi, Shon Pa Kelly, Bertha Wolff ganador di festival '98 y e incomparable Bubu Bislick...**

Wolff lo brinda Bubu Bislick un serenata special acompaña pa Mariachi Aruba.

E anochi grandi aki ded-

ica pa Bubu Bislick lo inicia pa 8:30 pm y lo termina pa 12'or di anochi, pa despues e pista di baile cuminsa hasi su trabao cu

presentacion di DREAM y OREO. Otro siman DEN AMBIENTE lo tin mas informacion, pues keda pendiente..

### PRODUCCION KELKBOOM CU UN OTRO TREMENDO CD NAVIDEÑO "BON PASCO, BON AÑA"...



\*\* Un biaha mas Produccion Kelkboom ta alegria e pueblo di Aruba cu un tremendo CD pa e dushi temporada navideño. E CD aki titula "Bon Pasco, Bon Aña" ta contene 15 cancion varia cu participacion di nos artistanan local.

1) "Toca Bel di Pasco" - Intro Sound Circle (original "ring thr bells/letra traduci y adapta pa Maybeline A Croes), 2) "Sende Bela na Mundo Henter" - De Lange & Tutti Frutti (original:light the candles all around the world/traduci pa Maybeline A Croes), 3) Andreina y Adrienne - Ipi Martis (musica: Arlene y Ipi Martis, letra Robert Maduro y arreglo Ipi Martis), 4) "Ela Yega" - Placentero Ritmo y Cuerde (comp: Robert Maduro, arr: Tico Kelly), 5) "Un Pasco Anhele" - Ethlin de Cuba (comp: Ethlin de Cuba, musica y coro: Dios cu Nos), 6) "Mi ta bay bula afo" - Djanira Kock (comp: Robert Maduro, arr: Banda La Paranda), 7) "E Luz di nos Curason" - Maybeline A-Croes (comp y musica Sergio Tije-A-Loi), 8) "Mi Burito" - Jack Tromp (comp: Jack Tromp, arr: Banda La Paranda), 9) "Un Pasco sin bo" - Djanira Kock (comp: Robert Maduro, arr y musica: EAMK), 10) "Dibino Niño" - Ethlin de Cuba (comp: Ethlin de Cuba, musica y coro: Dios cu Nos), 11) "Ban Mantene" - Edseline Figaroa (comp: Edseline Figaroa, arr: Tico Kelly y musica: Placentero Ritmo y Cuerde), 12) "Biba Bida Contento" - Tipico Los Amigos (D.R., adapta pa Rejulio Hernandez, letra: Danilo Vrolijk), 13) "Un Pasco Mas sin Bo" - Yxselle Giel (comp: Jossy Herrera, letra Ixselle Giel y Jossy Herrera/arr: Franklin Granadillo), 14) "Un Canto Angelical" - Rachelle Bermudez (comp: Rachelle Bermudez, arr: Banda La Paranda), 15) "Toca Bel di Pasco".

DEN AMBIENTE ta gradici Hemmy Croes di Placentero Ritmo y Cuerde, pa e bunita gesto di e hemplar di e CD aki y ta recomenda henter pueblo di Aruba pa compra e CD aki, cual ta uno sigur cu lo trese e dushi ambiente navideño den bo hogar..

### DUQUES LO TA STABIL PA E TEMPORADA NAVIDEÑO Y CARNAVAL 45..



**\*\* Aki por aprecia e joven banda musical "Duques" den nan estilo nobo. (Foto cortesía Duques).**

\*\* Hopi ta esnan cu a kere cu Los Duques a stop di existi. For di e integrantenan joven di Duques, DEN AMBIENTE a haya informacion cu e banda ta existi ainda, pero bao di e nomber DUQUES, como cu tin dos integrante femenino.

E banda actualmente ta forma pa: Jairo Croes (guitarista/saxofonista y cantante), Jaime Croes (pianista), Shanella Kelly (bajista), Jean Marc Ras (drummer), Arnold Malmberg (conga), Irren Silva (cantante), Cecelito Lopes (cantante) y Joselito Geerman (cantante). Manager di Duques ta Sra.

Ada Croes Dubero y Eugene Koolman como coordinador.

Algo hopi importante cu Duques a participa, cu nan ta full renoba cu technologianan avansa. Esaki ta debi cu den pasado e brass section constantemente tabata zona falso y aworaki esaki no ta e caso mas. Pues awor Duques ta zona stabil, cual por a ser nota tambe durante un fiesta di halloween cu a tuma lugar recientemente den Taxi Coffee shop na Taxi Central, na unda porcierto Duques a causa hopi furor.

Durante transcurso di e aña aki por a scucha diferente temanan

nobo varia di Duques. Durante e temporada di futbol nan a lansa e cancion "Zoom den goal" canta pa Jairo Croes. Actualmente nan tin un cancion nobo especialmente dedica pa e temporada navideño titula "Maria, lo bo sa", cual ta ser interpreta den duo pa Irren Silva y Ceselito Lopes, cu letrenan di Irren Silva.

Na final e integrantenan di Duques a laga sa pa Aruba keda pendiente pa na cancion di carnaval 45, cual sigur lo bay bira un super hit atrobe despues di nan exitoso "Bati Samba"..